



De Lehrer.

De Hannes is̃ schon konfirmird,
Soll aus de Schul jetzt kumme,
Drum hott sei" Vadder am e Dah
Ihn uff die Seid genumme;
„Hannes, Du bischt jetzt groß un scharf
Muscht zu me Handwerk greife.
Wo De Kuscht dzu hascht un Eifer aah,
Uff wasß willscht Dich verschteife?“

Handwerk hat gure Grund un Borrm
Un dhut sei" Mann aah nähre,
Un wer es richdig aah bedreibt,
Der kummd zu Geld un Ehre;
Do werrn dem Bu sei" Aue grooß,
Uff dhut vum Shtuhl er schnerre
Un wie Gewidder brechts dann los:
Schullehrer will ich werre!

De Vadder mit de Mudder redd,
Un dhun sichs iwerlehe
„Schullehrer!“ Waß die Alde sa'n,
Der Du bleibst druff bestehe.
Mit Beddele loßt er net noh,
Biß daß um Ruh se kriehe,
De Vadder Ja un Ame sa't,
En ins Semnar loßt ziehe.

Do sitzt er uff de Schulbank jetzt
Mit seine Kamerode
Wie leicht er sich die Sach aah denkt,
Es isß kää Budderflaade.
Besonnerß Gaj un Zeichenschtunn
Die machen 'm se schaffe,
Un meh" wie äh"mol wold sei" Fleiß
Un aah sei" Mud erschlafe.

Doch dapfer beißt er sich dodurch
Un sa't sich: Es muß gehe!
Ich hann mich mol dodruff verschteift,
Jetzt bleib ich aah druff schtehe.
Er hotts aah richdig ferdig brung
Als er mit zwanzig Johre

Es Seminar verloßt, hott er
Mit vun de beschde Moore.

Feriie un dann die erschde Schtell
Fascht an de Grenz dehinne
Es klennschte aremselischte Nescht
Wo weid un brääd se finne;
De Monad fínzig Mark Gehald,
Dreißig muß Koschd er zahle,
Un doch hott er noch dodebei
Humor un Ideale.

Wann Morjens in die Schul er kummd
Un siehd so vor sich sitze
Die klenne Kerlcher, wie en all
Die Aue luschdig blize,
Do mißt mr jo e Schtäⁿblock seiⁿ
Un an kⁿ Gott mehⁿ glawe,
Wann do em net es Herz uffgeht
Als wie e Budderhawe.

Sunndags do hat er große Dienischt,
Do is er de Herr Rischder
Un Dwends mit de lange Peif
E richdger Bierphilischder,

Drescht mit de Baure e Tarock
Drinkt seiⁿ drei Bier aah viere,
Un dhut, wann de Herr Parre fort
Manchmol es Wort aah siehre.

Schtaadsbriefung un dann Aⁿschtelling
Bun de Gemähⁿ als Lehrer
Un dann e reichi Fraa gesuchd
Der frieher un der schbeerer,
Deß iß gewöhnlich so de Gang
Der Dinge un Gesche.
Nor daß, waß ledschderes bedrefft,
Net jererähm will glicke.

Beh Johr iß er in de Gemähⁿ,
Verheiraahd, hat vier Rinner.
Nor selde kummd im Johr er in
Seiⁿ Wadderschadt ehinner.
Zufriede lebdt er for sich hiⁿ,
Schlaacht ehrlich sich durchs Lewe,
Bemihdt Obstbaam- un Bienezucht
In de Gemähⁿ se hewe.

Biß daß e gurer Freind iß kumm:
„Dhu in die Stadt dich melde

Deiⁿ Rinner werrn allmählig grooß
Do dhuscht jo doch nix gelde."
Do iß e Blätzje ausgeschribb
Dort iß e Shtell erledigt.
Un endlich werdd er aah in X. —
Gewäählt un aah beschädigt.

— — — — —

Jetzt weer er also in de Shtadt;
's iß doch e anner Dreime,
Als wie denn dicke Baurekebb
Giⁿdriehdere deß Schreime.
Jetzt hott er doch aah Material
Aus dem sich wasß lößt schduze,
Do dhut 'm Vehrer selwer schun
's Vehrte besser schuze.

Gott dagsdurch mr de Vääre frieht
Die Rinner durch se sohle
Do hott mr Dwends seiⁿ Vereiⁿ
For wirrer sich erhole.
Do hott mr aah noch Aⁿreging
Mit gleichgesinnde Seele.

Un doch, un doch, bei alledem
Ebbes will em doch fehle.

's iß net es Geld, net de Gehald,
Trog der net groß geroode,
's iß aah die Arwet net un Paschd
Wo in de Schul heit Moode.
Un doch, un doch, daß ebbes fehlt
Deß lößt sich net verkenne. —
Im Menschelewe dhut mer's als
Ellboohesfreiheit nenne.

— — — — —

Un dann kummd aah emol e Daah
Do sieht sich unser Lehrer
Mit emol for die Froog gestellt:
Waß machscht de mit deem Perer?
Der Bu iß shtark, der Bu iß groß,
Un soll ins Bewe drede,
Mudder, waß machen mer mit dem Kerl,
Jezd missen mer uns entschäde.

Es werrd de Bu ereiⁿ geruf,
De Badder machts blauiwel,

Daß mit dem Dag jetzt hinnerm leih
Die Schul mit ehre Ziwel,
Waß er for Handwerk lerne wollt,
Deß ihn ernährt aah schbeerer;
Do werrn dem Bu seiⁿ Aue grooß:
„Babbe, ich werr e Lehrer.“

Do wills gar sonderbar zu Mud
Dem alde Lehrer werre;
Es issen als mißt er seiⁿ Bu
Mahne: „Dhu Dich net erre!
Es iß net alles Gold, waß glänzd
Un mancher dhut ermadde.
Du haschd bis jetzt blos 's Licht gesieh;
Wo Licht iß, iß aah Schadde.

Doch geh mit Gott! Mit seiner Hilf,
Werrschd Du's aah noch erlewe,
Daß noch die Zeid kummd for die Schul,
Wie meer se heid erschdrewe.
E freier Mann, e ganzer Mann,
Der sich durch nix löst erre,
Bun dem waß er als Recht erkennt —
So e Lehrer sollschd De werre.